

გიორგი ბერიძე

ილიას სახელმწიფო უნივერსიტეტის პოლიტოლოგიის ინსტიტუტის ასისტენტ-მკვლევარი, ივანე ჯავახიშვილის სახელობის სახელმწიფო უნივერსიტეტის პოლიტიკის მიმართულების დოქტორანტი

ქართული მემარცხენე მიმართულების ინტერნეტ გამოცემების კონტენტ-ანალიზი

ანოტაცია

კვლევაში შესწავლილია საქართველოში არსებული მემარცხენე მიმართულების მქონე სამი ინტერნეტ გამოცემა, ესენია: “ანარქისტული ბიბლიოთეკა”, “European.ge” და “თბილისის ფაზიანური საზოგადოება”.

“ანარქისტული ბიბლიოთეკა” ქართველი ანარქისტებისგან შემდგარი კოლექტივია, ბოლო ორი კი სოციალ-დემოკრატიული ღირებულებების მატარებელი ორგანიზაციაა.

კვლევა აქტუალურია, ვინაიდან უკანასკნელი წლების მანძილზე, გახშირებული სოციალური პროტესტების მოქმედი აქტორები ხშირად ის მემარცხენე ჯგუფები იყვნენ, რომლებიც წარმოადგენენ ზემოთ აღნიშნულ ინტერნეტ პლატფორმებს, ეს პლატფორმები შეიძლება მივიჩნიოთ ორგანიზების და ღირებულებების გავრცელების ერთგვარ იარაღად, ესაა ამ ჯგუფების საზოგადოებასთან ურთიერთობის და აზრის გაცვლა-გამოცვლის ერთ-ერთი მნიშვნელოვანი საშუალება.

კვლევა ითვალისწინებს გამოცემების ვებ-გვერდებზე განთავსებული მასალის შინაარსობრივ ანალიზს, თარგმანების, კვლევებისა და სტატიების შესწავლას, მათ სისტემიზაციას და შედარებითი პრინციპით ამ გამოცემებს შორის საერთო კონტენტების აღმოჩენას.

საკვანძო სიტყვები: პოლიტიკური კომუნიკაცია, მემარცხენე მიმართულების მოძრაობები, ინტერნეტ საიტები, „ფეისბუქ“ გვერდები, იდეურ-პოლიტიკური პლატფორმები, ელექტრონული პროპაგანდა, ინტერნეტ აქტივობები, ანარქიზმი, სოციალ-დემოკრატია.

შესავალი

2012 წლიდან, საზოგადოებრივ ცხოვრებაში ჩნდებიან და აქტიურდებიან მემარცხენე ღირებულებების მქონე ორგანიზებული სოციალური ჯგუფები, რომლებიც ძირითადად სტუდენტებით არის დაკომპლექტებული, საბჭოთა კავშირის დაშლის შემდეგ, ორი ათწლეულის მანძილზე მემარცხენე ბანაკი საქართველოში პოპულარული პოლიტიკური აქტორი არ ყოფილა, 2012 წლის საპარლამენტო არჩევნებამდე ერთი წლით ადრე თბილისის სახელმწიფო უნივერსიტეტში შეიქმნა რამდენიმე სტუდენტური ორგანიზაცია, რომლებიც მემარცხენე ღირებულებებს ატარებდნენ, მათ შორის გამორჩეულად ცნობილი და აქტიური “ლაბორატორია 1918” იყო, ამ ჯგუფის მიერ არჩევნების წინ დედაქალაქში ორგანიზებულმა პროტესტმა ქვეყნის წინასაარჩევნო დღის წესრიგი მნიშვნელოვნად შეცვალა.

“ლაბორატორია 1918-მა” ხელისუფლების შეცვლის შემდეგ მალევე, აქტიურობა შეწყვიტა. თუმცა მისი წევრები სხვადასხვა ჯგუფებად გადანაწილდნენ. გარდა ამ ჯგუფებისა, არსებობდა თბილისის სახელმწიფო უნივერსიტეტის ბაზაზე შექმნილი კიდევ რამდენიმე ორგანიზაცია.

2012 წლიდან დღემდე, რიგი სოციალური პროტესტების ორგანიზატორები სწორედ ის მემარცხენე ჯგუფები იყვნენ და არიან, რომელთა ინტერნეტ გამოცემებიც შვეიცრულ ენაზეა “ანარქისტული ბიბლიოთეკა”, “European.ge” და “თბილისის ფაბიანური საზოგადოება”.

სტუდენტური ჯგუფებიდან ზემოთხსენებული ორგანიზაციები გადაიქცნენ პლატფორმებად, რომლებსაც გამოკვეთილი ღირებულებები, ხედვები და ორგანიზების მეთოდები აქვთ. ეს ჯგუფები განსხვავდებიან ერთმანეთისგან რიგი მახასიათებლებით, რაც კვლევაშიც არის აღნიშნული. ამ ჯგუფებს წარმოადგენენ მკვლევრები, ახალგაზრდა მეცნიერები, აქტივისტები, არასამთავრობო ორგანიზაციების წევრები, ადამიანები - რომლებიც აქტიურ მონაწილე-

ობას იღებენ პოლიტიკურ პროცესში, კვლევაში გამოკვეთილია ის საკითხები და პრობლემები, რის გარშემოც მოღვაწეობენ ზემოთ ნახსენები ჯგუფები, ასევე შესწავლილია მათი პლატფორმების შინაარსი და საზოგადოებასთან ურთიერთობის მეთოდი.

მემარცხენე სოციალური მოძრაობების და მათი ინტერნეტ გამოცემების შესახებ არსებული ზოგადი ინფორმაცია ცხრილის სახით ასე გამოიყურება :

მოძრაობა	მოძრაობის შექმნის თარიღი	საიტი	საიტის შექმნის თარიღი	„ფეისბუქ გვერდი“	„ფეისბუქ ქვერდის გამომწერთა რიცხვი“	საგარეო ორიენტაცია	იდეოლოგია
European .ge	19.01.2011	Europe an.ge	19.01.2011	Facebook .com/European.ge	14.414	პრო-ევროპული	სოციალ-დემოკრატია
ანარქისტული ბიბლიოთეკა	2.01.2012	A-library.org	2.01.2012	Facebook .com/AnarchistLibrary	7.103	ანარქიზმი	ანარქიზმი
თბილისის ფაბიანური საზოგადოება	2013 წ. ნოემბერი	Fabiansocialists.wordpress.com	2013 წ. ნოემბერი	Facebook .com/fabiansocialists	2.934	პრო-დასავლური	სოციალ-დემოკრატია. ფაბიანური სოციალიზმი

ანარქისტული ბიბლიოთეკა

ანარქისტული ბიბლიოთეკის პირველი პოსტი 2012 წლის იანვრით თარიღდება. აღსანიშნავია, რომ ამ ინტერნეტ გამოცემას ჰყავს დასავლური ანალოგი, “The Anarchist Library”¹ (ანარქისტული ბიბლიოთეკა) სადაც უზარმაზარი არქივია თავმოყრილი. შეიძლება ითქვას, რომ ქართული ანარქისტული ბიბლიოთეკა მოცემული გამოცემის ქართული ვერსიაა.

გამოცემა მკითხველს სთავაზობს როგორც თანამედროვე საერთაშორისოდ ცნობილი ავტორების ტექსტების თარგმანებს, ასევე ქართული ანარქიზმის ცნობილი წარმომადგენლების ბიოგრაფიებს, ტექსტებს, მიმოხილვებს საერთაშორისო ანარქისტული მოძრაობის ისტორიიდან, გამოცემა ცდილობს მკითხველს ინფორმაცია მიაწოდოს ანარქიზმის შესახებ. მიაწოდოს საბაზისო ცოდნა, იმ პრინციპების შესახებ, რასაც ეყრდნობა ეს იდეოლოგია, მაგალითად, საინტერესოა 2012 წლის 2 იანვრით დათარიღებული სტატია “კონსესუსი” (ანარქისტული ბიბლიოთეკა, 2012) სადაც ავტორი ცდილობს კონსესუსის პრინციპის განმარტებას, მისი ძირითადი თვისებების გამოყოფას: შეთანხმებისკენ სწრაფვა, კოლაბორაცია, თანასწორობა, ჩართულობა, თანამონაწილეობა

ავტორი სტატიაში საუბრობს გადაწყვეტილებების მიღების წესზე, ერთსულოვნების, ურთიერთპატივისცემის აუცილებლობაზე, რაც ანარქიზმის თანახმად, საზოგადოებრივი ცხოვრების ერთგვარი საყრდენი უნდა იყოს. შეიძლება ითქვას რომ, ამ სტატიის მიზანი მკითხველისთვის ანარქისტული თეორიის ძირითადი პრინციპების გაცნობაა.

სტატიაში “რა არის ანარქია?” (რა არის ანარქია, 2012) ავტორი უფრო კონკრეტულად ცდილობს თანამედროვე ანარქიზმის მოკლე

¹ <https://theanarchistlibrary.org/special/index>

ისტორიის გადმოცემას, რითაც მკითხველს ელემენტარული წარმოდგენა ექმნება ანარქისტული მოძრაობის უახლეს ისტორიაზე, ამ სტატიაში ავტორი მეოცე საუკუნის მეორე ნახევრის დასავლურ ევროპული ანარქისტული სუბკულტურების აღწერით შემოიფარგლება, ავტორი უბრალოდ ცდილობს მოკლე აზნაგებით ამოწუროს ის ძირითადი პოსტულატები, რაც ანარქისტული თეორიიდან გამომდინარეობს, ეს პოსტულატები კი შეკითხვებად და მათზე მოკლე პასუხებად არის ფორმირებული (სახელმწიფოს და არჩევნების ანარქისტული ხედვა და ესპანეთის სამოქალაქო ომის დროინდელი ანარქისტული გამოცდილების მოკლე გახსენება)

შეიძლება ითქვას, რომ პირველი სტატიები არ გამოირჩევა აკადემიური სტილით, ისინი უფრო პროპაგანდისტული ტექსტებია, სადაც ანარქიზმის პრინციპების ზედაპირული აღწერაა მოცემული, თუმცა აღსანიშნავია რომ ბლოგი დღემდე არსებობს და ის პერიოდულად ცვლიდა სარედაქციო სტილს, დაიწყო თარგმანების გამოქვეყნება, მაგალითად ისეთი ცნობილი ანარქისტი ავტორების, როგორებიცაა ემა გოლდმანი თუ ერიკო მალატესტა, - „ათეიზმის ფილოსოფია“ (გოლდმანი, "ათეიზმის ფილოსოფია", 2012) „პატრიოტიზმი, საფრთხე თავისუფლებისთვის“ (გოლდმანი, 2012) „ანარქია“ (გოლდმანი, 2012) „ქორწინება და სიყვარული“ (გოლდმანი, 2012) „არც დიქტატორები, არც დემოკრატები“ (მალატესტა, 2012).

გოლდმანი და მალატესტა საერთაშორისო ანარქისტული მოძრაობის ცნობილი წარმომადგენლები არიან, თუმცა ქართული ანარქიზმის XIX-XX საუკუნეების ისტორიაში მათი როლი მცირე იყო, ანარქისტული ბიბლიოთეკის თანამედროვე ავტორების ძალისხმევა, რედაქციის მიერ ქართული ანარქისტული აზრისთვის აქამდე ნაკლებად ცნობილი მალატესტას და შედარებით უფრო ცნობადი გოლდმანის წინ წამოწევა კი მიუთითებს, რომ თანამედროვე ქართულმა ანარქიზმმა მისი წინამორბედისგან, XIX-XX საუკუნეების ანარქისტული აზრისგან დამოუკიდებლად დაიწყო განვითარება და ამას თავის ობიექტური მიზეზებიც აქვს, რაც საბჭოთა

კავშირში ანარქისტული აზრის დევნით და მოგვიანებით, პოსტ-საბჭოთა სივრცეში მისი განსაკუთრებული სისუსტით აიხსნება,

თუ “ანარქისტული ბიბლიოთეკის” სტატიებს ქრონოლოგიურად გავყვებით, გოლდმანის და მალატესტას სტატიების შემდეგ, მალევე ვნახავთ გამოჩენილი რუსი ანარქიზმის თეორიტიკოსის, პიოტრ კროპოტკინის ნაშრომების გაციფრულებულ ვერსიებს, მათ შორის 1906 წლის ქართული თარგმანიცაა. ძველი ტექსტების გაციფრულება თავის მხრივ რთული, შრომატევადი პროცესია, აღსანიშნავია, რომ კროპოტკინი ქართველი ანარქისტების მთელი თაობისთვის (მიხაკო წერეთელი, ვარლამ ჩერქეზიშვილი, ძმები კომანდო და შალვა გოგელიები) უმნიშვნელოვანესი შთაგონების წყარო და ხშირად, თანამებრძოლიც იყო.

გარდა კროპოტკინისა, საიტზე შევხვდებით მიხაილ ბაკუნინის და ელიზე რეკლიუს ტექსტების თარგმანსაც (რეკლიუს ერთერთი ტექსტიც 1906 წელს გამოცემული ქართული თარგმანის გაციფრულებული ვერსიაცაა), ბლოგზე ასევე არსებობს კომანდო გოგელიას “სოციალ-დემოკრატიის კრიტიკის” ნაწყვეტიც, ისევე როგორც საბაკალვრო ნაშრომი კომანდო გოგელიას შესახებ, რომელიც “ანარქისტული ბიბლიოთეკის” სარედაქციო ჯგუფის ერთ-ერთი წევრის, თამარ ბუაძის მიერ არის შესრულებული (ბუაძე, 2015).

საინტერესო ტექსტია “კავკასიის ანარქისტული მოძრაობა XX საუკუნის დასაწყისში” (2014), სადაც ავტორები წარმოგვიდგენენ ვრცელ კომპილაციას რუსეთის იმპერიის რევოლუციური პერიოდის ანარქისტული მოძრაობის შესახებ, აქ საუბარია სამხრეთ და ჩრდილოეთ კავკასიაში მიმდინარე რევოლუციური პროცესის, ანარქისტების მიერ ჩატარებული ტერაქტებისა თუ გაფიცვების შესახებ, აღწერილია ქართველი ანარქისტების როლი რუსეთის რევოლუციაში, რაც მნიშვნელოვან ფაქტობრივ მასალას გვაძლევს ამ პერიოდის ანარქისტული მოძრაობის შესასწავლად.

აღსანიშნავია მიხაკო წერეთლის ცნობილი ნაშრომების, “კანონის” და “პასუხი პროტესტანტებს” ციფრული ვერსიებიც, რაც

უშუალოდ სარედაქციო ჯგუფის ძალისხმევით მოხვდა პლატფორმაზე.

„ანარქისტული ბიბლიოთეკა“ აგრეთვე გვთავაზობს მეოცე საუკუნის მეორე ნახევრის ცნობილი ფილოსოფოსების, ჰერბერტ მარკუზესა და ნოამ ჩომსკის ნაშრომების თარგმანებს სტატიებად, სადაც სარედაქციო ჯგუფი საკუთარი პრიორიტეტების მიხედვით გვთავაზობს ამ ნაშრომებიდან კონკრეტულ ნაწყვეტებს.

ბლოგზე ასევე დიდი ყურადღება ეთმობა გერმანელი სოციოლოგის, ერიხ ფრომის ტექსტების თარგმანებს, სადაც ავტორი წერს ძალაუფრებივ იერარქიებზე, კაპიტალიზმზე და ბიუროკრატიაზე.

მნიშვნელოვანია ის აქცენტები, რასაც „ანარქისტული ბიბლიოთეკა“ კონკრეტული ჯგუფების ოპონირებისთვის იყენებს. გამოცემის მთავარ გვერდზე, არის „კრიტიკის“ განყოფილება, სადაც რედაქცია გვთავაზობს არასამთავრობო სექტორის, ნაციონალიზმის და სოციალ-დემოკრატიის კრიტიკას. არასამთავრობო ორგანიზაციების წინააღმდეგ, განყოფილებაში მოცემულია ანარქისტების მაკედონიური ჯგუფის მიერ მომზადებული ვრცელი ტექსტის თარგმანი - „არასამთავრობო ორგანიზაცია - კაპიტალიზმის ტროას ცხენი“, სადაც ავტორები წერენ, რომ მცდარია წარმოდგენა არასამთავრობო ორგანიზაციების, მათი დემოკრატიული ფუნქციების შესახებ. „USAID ენჯეობს განსაზღვრავს, როგორც კერძო მოხალისეობრივ ორგანიზაციებს. განსაზღვრება აშკარად პრობლემატურია, რამდენადაც მათი უმეტესობა მთავრობისა და კორპორაციების მიერ ფინანსდება და ასევე რთულია თქვა, რომ ორგანიზაცია სადაც პერსონალს პროფესიული ანაზღაურება აქვს, მენეჯერით დაწყებული სავლელ მუშაკით დამთავრებული, მოხალისეობრივია“ (ანარქისტული ბიბლიოთეკა, 2014).

სტატიაში აღნიშნულია, რომ მსოფლიო მასშტაბით, არასამთავრობო ორგანიზაციების მთავარი დამფინანსებლები საერთაშორისო კორპორაციები და აგრეთვე სხვადასხვა ქვეყნის მთავრობე-

ბია, ზოგჯერ კი სხვადასხვა კონფესიის ეკლესიები, ეს ყველაფერი კი ამტკიცებს, რომ არასამთავრობო ორგანიზაციები დამოუკიდებელი სუბიექტები არ არიან, და სხვადასხვა ინტერესებს ემსახურებიან.

სტატიის თანახმად, კორპორაციები, რომლებსაც აქვთ მერკანტილური მიზნები განუვითარებელ რეგიონებში, არასამთავრობო ორგანიზაციების საშუალებით “სტატუს ქვოს ინარჩუნებენ”, “მათი რესურსების მარცვას აგრძელებენ” და “ძირს უთხრიან რადიკალურ ბრძოლას სიღარიბის, შიმშილის, ავადმყოფობის, გაუნათლებლობის და სხვა უბედურებების წინააღმდეგ” (ანარქისტული ბიბლიოთეკა, 2014).

როგორც ვხედავთ, არასამთავრობო ორგანიზაციები ქართველი ანარქისტების მიერ მიჩნეულია ერთ-ერთ უმნიშვნელოვანეს მოწინააღმდეგედ, სოციალ-დემოკრატიას და ნაციონალიზმთან ერთად.

ქართული ანარქიზმის ისტორიაში, სოციალ-დემოკრატიის კრიტიკის ასწლოვანი გამოცდილება არსებობს, ამ მხრივ საინტერესოა ვარლამ ჩერქეზიშვილის “სოციალისტური ისტორიის გვერდები”, რომელიც საერთაშორისოდ ცნობილი ტექსტია და ასევე მიხეილ წერეთლის “პასუხი პროტესტანტებს” რომელიც კონკრეტულად ქართველი სოციალ-დემოკრატების წინააღმდეგ არის დაწერილი, “ანარქისტული ბიბლიოთეკის” სოციალ-დემოკრატიის კრიტიკის სექციაში კი მხოლოდ უკრაინელი ანარქისტის, ნესტორ მახნოს მოკლე ტექსტი მოიპოვება, რომელსაც ჰქვია “პირველ მაისი - ახალი ერის სიმბოლო (მახნო, 2015)”, ამ ტექსტში ჩანს მახნოს უარყოფითი დამოკიდებულება საბჭოთა კავშირისადმი და მიიჩნევს, რომ მშრომელები ისევე იჩაგრებიან ბურჟუაზიულ ქვეყნებში, როგორც სოციალ-დემოკრატიულ საბჭოთა კავშირში.

როგორც ვხედავთ, “ანარქისტული ბიბლიოთეკა” ფუნქციონირებს აკადემიურ სტილში, ბლოგზე ხელმისაწვდომია რედაქციის ერთ-ერთი წევრის მიერ შესრულებული აკადემიური ნაშრომი,

რომელიც ქართული ანარქიზმის ისტორიულ საკითხებს მოიცავს (ბუაძე, 2015), ბლოგზე ასევე გვხვდება მეოცე საუკუნის დასაწყისის ორიგინალი ქართული ტექსტების რამდენიმე ციფრული ნიმუში, “ანარქისტული ბიბლიოთეკის” რედაქცია ცდილობს, მკითხველს აუხსნას ანარქიზმის ძირითადი პრინციპები, რაც რამდენიმე ტექსტში არის გაშლილი (ანარქო-კომუნიზმი, 2012), (რა არის ანარქია?, 2012) (კონსესუსი, 2012).

მნიშვნელოვანია საერთაშორისოდ აღიარებული ფილოსოფოსების, სოციოლოგების, ანარქისტული პოლიტიკური მოძრაობის ლიდერების ტექსტების თარგმანები, რომელთა დიდი ნაწილიც “ანარქისტული ბიბლიოთეკის” რედაქციის მიერ არის შესრულებული, ასევე მნიშვნელოვანია ნათარგმნი სტატიები, რომლებიც ასახავენ თანამედროვე საერთაშორისო პროცესების ანარქისტულ ხედვას.

შეგვიძლია დავასკვნათ, რომ “ანარქისტული ბიბლიოთეკა” არის აკადემიური სტილის ინტერნეტ გამოცემა და ასევე, რედაქცია ცდილობს საკუთარი იდეების პოპულარიზაციას, ამას ადასტურებს ბლოგზე არსებული თარგმანები, ტექსტები, მოწოდებები რაც გათვლილია იმაზე, რომ თანამედროვე ქართულ საზოგადოებაში გაიზარდოს ცოდნა ანარქიზმის და მისი ძირითადი პრინციპების შესახებ.

European.ge

European.ge ქართული სოციალ-დემოკრატიული ინტერნეტ გამოცემაა, რომელიც აქტიურად ფუნქციონირებს, მისი სარედაქციო ჯგუფი 50-მდე ადამიანისგან შედგება, რომელიც მოიცავს პოლიტიკოსებს, პარლამენტის წევრებს, სოციალური მეცნიერების და ეკონომიკის სფეროს მკვლევრებს, საზოგადოებისთვის ცნობილ პირებს (ანა დოლიძე, ირაკლი კაკაბაძე), სტუდენტებს.

აღსანიშნავია, რომ სარედაქციო ჯგუფი ძირითადად პოლიტიკური პარტიის, “სოციალ-დემოკრატები საქართველოს განვითა-

რებისთვის” წევრები არიან, რომელიც თავის მხრივ ამავე სახელობის ფრაქციითაა წარმოდგენილი პარტია “ქართული ოცნების” საპარლამენტო უმრავლესობაში.

European.ge გვთავაზობს ბლოგების, ვიდეო ბლოგების, მიმოხილვების, თარგმანების და პოლიტიკური მიმართულებების განყოფილებას, რომლებიც თავის მხრივ სხვადასხვა ქვე განყოფილებებად არის ჩაშლილი:

გამოცემა სტრუქტურულად საკმაოდ გამართულია, ბლოგები, სტატიების, კვლევებისა თუ თარგმანების სახით მუდმივად განახლებადია, მნიშვნელოვანია შევისწავლოთ გამოცემის მიერ გამოყოფილი მიმართულებების შინაარსობრივი მხარე, გამოვკვეთოთ სარედაქციო ჯგუფის ძირითადი პრიორიტეტები როგორც საშინაო/საგარეო პოლიტიკაში, ასევე ეკონომიკურ პოლიტიკაში.

„პოლიტიკური მიმართულებების” პირველი ქვეგანყოფილება „დასაქმება და შრომა“ (European.ge), სადაც პირველი სტატია 2012 წლით თარიღდება, თუმცა 2012 წლიდან 2016 წლამდე ამ განყოფილებაში მხოლოდ 5 სტატია გამოქვეყნდა, „დასაქმება და შრომა” ისევე როგორც მთელი საიტი, განსაკუთრებით 2016 წლიდან გააქტიურდა.

ბუნებრივია, კვლევის მასშტაბებიდან გამომდინარე, წარმოდგენილია ინტერნეტ გამოცემის ყოველი სტატიის განხილვა, თუმცა ვეცადეთ გავცნობოდით თითოეულ სტატიას და აღგვეწერა ის ძირითადი აქცენტები, რასაც European.ge სვამს პლატფორმაზე.

ასევე, აღსანიშნავია, რომ თითოეულ განყოფილებაში მოცემულია როგორც სარედაქციო ჯგუფის წარმომადგენლების სტატიები, ასევე სხვადასხვა მნიშვნელოვანი საერთაშორისოდ აღიარებული ავტორების რიგი თარგმანები, ეს სტატიები შეიძლება შეგვხდეს არა მხოლოდ ერთ განყოფილებაში, არამედ რამდენიმეში ერთდროულად.

გამოცემა ცდილობს ყურადღება მიაქციოს საქართველოს ინდუსტრიულ ქალაქებში არსებულ მდგომარეობას, პრობლემებს გა-

ნათლების სფეროში, ასევე მუდმივად ქვეყნდება ბლოგები, სადაც მკვლევრები ცდილობენ საკუთარი პერსპექტივების გაცნობას საზოგადოებისთვის, უკანასკნელი სტატია, რომელიც კვლევის პერიოდში იყო მოძიებადი (2018 წელი, დეკემბერი) 2018 წლის 20 ნოემბრით თარიღდება, სადაც ავტორი - ესმა გუმბერიძე წერს იმაზე, თუ რა განაპირობებს პოლიტიკურ მონაწილეობას. ავტორი მიუთითებს, რომ გაჭირვებულისთვის ძნელია იყო პოლიტიკურად "მოუწყობილად" ან პოლიტიკურად აქტიური (გუმბერიძე, "რა განაპირობებს პოლიტიკურ მონაწილეობას?", 2018), ავტორი აქცენტს აკეთებს 2018 წლის საპრეზიდენტო არჩევნებზე და მიუთითებს რომ საქართველოში უამრავი ადამიანი მოკლებულია სოციალიზაციის ელემენტარულ შესაძლებლობებს, სახელმწიფო კი ვერ ახერხებს მოქალაქეების მინიმალური პირობებით აღჭურვას, და პირიქით, ართმევს კიდევაც ზოგ ჯგუფს არჩევნებში მონაწილეობის შესაძლებლობას.

ანალოგიურ პრობლემას ეხება სტატია "შემოსავლების უთანასწორობა და ახალგაზრდების უმუშევრობა" (ესპოსიტო, 2018), რომელიც ჰარვარდის უნივერსიტეტის პროფესორის, მარკ ესპოსიტოს ქართულად თარგმნილი სტატიაა. ავტორი საუბრობს გლობალურ ეკონომიკურ კრიზისზე, განვითარებულ და განვითარებად სამყაროებში ახალგაზრდების უმუშევრობის მზარდ მაჩვენებელზე, მათ არასათანადო ჩართულობაზე პოლიტიკურ პროცესში,

სტატიაში „სიღარიბე და საშემოსავლო უთანასწორობა მთავარი ეკონომიკური საკითხებია“ (European.ge, 2018) განხილულია ეროვნულ-დემოკრატიული ინსტიტუტის (NDI) მიერ 2018 წლის იანვარში გამოქვეყნებული კვლევის ანალიზი, სადაც მითითებულია, რომ საქართველოს მოსახლეობისათვის უმთავრესი პრობლემა უმუშევრობა და ინფლაციაა.

სტატიაში "უმუშევრობის ნეოლიბერალური წყევლა" (ხუნდაძე, 2018) ავტორი აღნიშნავს რომ საქართველოში, უმუშევრობა ნომერი პირველი პრობლემაა, რომ საბაზრო ეკონომიკას ახასიათებს

ციკლური კრიზისები, რომლებიც ხშირად ხანგრძლივ ეკონომიკურ პრობლემებს წარმოშობს, აქვე ავტორი აღნიშნავს, რომ XX საუკუნის 30-იანი წლებიდან, დასავლურ სამყაროში შეიმუშავეს ამ კრიზისებთან ბრძოლის მექანიზმები, რომლის არ არსებობის შემთხვევაშიც, უმუშევრობა და ეკონომიკური კრიზისი შესაძლოა წლობითაც გაგრძელდეს.

ავტორი ერთ-ერთ უმთავრეს მექანიზმად გამოჰყოფს დასაქმების პოლიტიკას, და იშველიებს ტაივანისა და სამხრეთ კორეის მაგალითს, საქართველოზე საუბრისას კი ავტორი წერს:

“სავსებით დამაჯერებლად, შეიძლება ითქვას, რომ დღეს საქართველოს არა აქვს არც ინდუსტრიული პოლიტიკა და არც დასაქმების პოლიტიკა, რამაც რეალურად უნდა შექმნას სრული დასაქმება ქვეყანაში. არათუ დასაქმების პოლიტიკა, საქართველოს არა აქვს დასაქმებულთა და უმუშევრობის აღრიცხვის გამართული სისტემა. შედეგი კრიტიკულია. ეკონომიკა იზრდება მცირედით და ეს მცირე ზრდაც ნაწილდება ძირითადად ელიტურ ჯგუფებზე. ქვეყნის მოსახლეობა კი ბოლო წლებში განუხრელად მცირდება შრომითი მიგრაციის შედეგად” (ხუნდაძე, 2018).

ავტორი მიიჩნევს, რომ გამდიდრების ლიბერალური რეცეპტები ქართულ რეალობაში არ მუშაობს, რომ მეტიც, ეს მოდელები ხშირ შემთხვევაში ამწვავებენ კიდევ კონკრეტულ კრიზისებს, ავტორი მიუთითებს რომ ქვეყნის მთლიან შიდა პროდუქტში უცხოეთში დასაქმებული მოქალაქეების მიერ გამოგზავნილი ტრანსფერების მოცემულობა იმდენივეა, რამდენიც სოფლის მეურნეობის წილი, რომელშიც, თავის მხრივ, მოსახლეობის მინიმუმ ნახევარია დასაქმებული.

ავტორი ტექსტს ასე ასრულებს: “როცა თეორია არ მუშაობს, ის ნაგვის ურნაში უნდა მოვისროლოთ. ნეოლიბერალურმა ეკონომიკურმა დოქტრინამ სამართლიანად მოიპოვა ადგილი ისტორიის სანაგვეზე, იმ სოციალურ-პოლიტიკური კატასტროფიდან გამომდინარე, რაც საქართველოს მოუტანა მან ბოლო 25 წლის განმავლო-

ბაში, დღეს, როგორც არასდროს, საჭიროა სოფისტური დოგმების გვერდზე გადადება და რეალური ეკონომიკური პოლიტიკის წარმოება” (ხუნდაძე, 2018) .

როგორც ვხედავთ, ეკონომიკური უთანასწორობა, უმუშევრობა და მიგრაცია, სოციალიზაციის არაეფექტური მექანიზმები, პოლიტიკურ პროცესში მოქალაქეების ნაკლები ჩართულობა გამოცემის სარედაქციო ჯგუფისთვის პრობლემათა ერთი მთლიანი ჯაჭვია, რომელიც სახელმწიფოს ეკონომიკურ პოლიტიკას, თავისუფალ საბაზრო ეკონომიკას უკავშირდება. შესაბამისად, სიღარიბის დაძლევა European.ge -ს მიხედვით, არ არის შესაძლებელი რიგი ინსტიტუტების ლიბერალიზაციით, საბაზრო პრინციპების იმპლემენტაციით, არამედ პირიქით, შეიძლება ითქვას, რომ უთანასწორობის აღმოფხვრის საშუალება ამ გამოცემის მიხედვით, ეკონომიკურ პროცესში სახელმწიფოს როლის ზრდაა, არსებული ეკონომიკური პარადიგმების გადახედვა და ინდუსტრიული პოლიტიკის წარმოება, რაც რადიკალურად შეცვლის ახლანდელ პრიორიტეტებს ქართულ ეკონომიკაში.

ეკონომიკის ინსტიტუციონალიზაცია, European.ge-ს მიხედვით, იქნება წინაპირობა უმუშევრობის, უთანასწორობის პრობლემების მოსაგვარებლად, ეს ხედვა, თავის მხრივ, არის ახალი ინსტიტუციონალური ხედვა, გამოცემა კი ცდილობს მოახდინოს ამ ხედვის, ამ მიდგომის აქტუალიზაცია ქართულ საზოგადოებაში, მკითხველებსა და აკადემიურ წრეებში.

„ანარქისტული ბიბლიოთეკის” შესახებ ჩვენს ანალიზში უკვე აღვნიშნეთ, რომ რედაქცია სკეპტიკურად, შეიძლება ითქვას უარყოფითადაც არის განწყობილი არასამთავრობო ორგანიზაციების მიმართ, ანალოგიური განწყობაა European.ge -ზე ნათარგმნ სტატიაში, რომლის ავტორიც ნიუ იორკის სახელმწიფო უნივერსიტეტის სოციოლოგიის პროფესორი, ჯეიმს პეტრასია, სტატიას ჰქვია “არასამთავრობოები იმპერიალიზმის სამსახურში” (პეტრასი, 2017).

პეტრასის მიხედვით, არასამთავრობოებს ხშირად მილიონიანი ბიუჯეტები აქვთ და დაახლოებით იმდენივე ხელფასს იღებენ, რასაც კორპორაციების ხელმძღვანელები, მათ აქტივობებს კი უარყოფითი გავლენა აქვს მილიონობით ადამიანზე,- ღარიბებზე, ქალებსა და არაფორმალურ სექტორში დასაქმებულებზე.

არასამთავრობო სექტორი ხშირად იზიდავს აკადემიკოსებს, ჟურნალისტებს სხვადასხვა მემარცხენე მოძრაობებიდან, რადგანაც ისინი უზრუნველყოფილი ხდებიან ანაზღაურებით, სანაცვლოდ კი ორგანიზაციული და რიტორიკული უნარები მიაქვთ, რეალურად კი იმპერიალიზმისა და კაპიტალიზმის სამსახურში დგებიან (პეტრასი, 2017).

პეტრასი სამოქალაქო საზოგადოებას განსაკუთრებით კრიტიკულად უყურებს, მისთვის ის შედგება სხვადასხვა კლასებისგან, “მშრომელთა მიმართ ყველაზე დიდი უსამართლობების უმეტესობა სამოქალაქო საზოგადოების წევრი მდიდარი ბანკირების მიერ არის ჩადენილი” (პეტრასი, 2017), სამოქალაქო საზოგადოების კონცეფცია, პეტრასის მიხედვით, ხელს უწყობს არასამთავრობო ორგანიზაციებს “მათ დამფინანსებელ კაპიტალისტურ ინტერესებთან კოლაბორაციაში” (პეტრასი, 2017).

European.ge -ს ავტორები ბევრს წერენ საქართველოში არსებულ პრობლემებზე, სადაც საკუთარ ანალიზს და ხშირად მათი გადაჭრის გზებს გვთავაზობენ, ამ მხრივ, საინტერესოა სტატია “ერთი დღე ჭიათურაში“ (გუმბერიძე, 2018), სადაც ავტორი გვთავაზობს დასავლეთ საქართველოს ინდუსტრიული ქალაქის, ჭიათურის აღწერას იმ მნიშვნელოვანი პრობლემების ჭრილში, რაც ამ ქალაქს აწუხებს.

ამ ტექსტში, ავტორი დეტალურად მიმოიხილავს მადაროვლების სამუშაო პირობებს, აღწერს მანგანუმის მოპოვება-გადამუშავებაში დასაქმებული სამი ათასი მშრომელის პრობლემებს, მათ პირობებს, ასევე იმ ეკოლოგიურ კატასტროფას, რის წინაშეც დგას ქალა-

ქი, ასევე იმ კონკრეტულ დაბრკოლებებს, რაც მუშებს დამქირავე-ბელთან ურთიერთობაში ექმნებათ (გუმბერძე, 2018).

ინფორმაცია „თბილისის მეტროს მემანქანეები მოქალაქეებს მიმართავენ“ (European.ge, 2018) - ეს არის მეტროს მემანქანეთა მიმართვის ტექსტი, სადაც მშრომელები მოქალაქეებს ამცნობენ გაფიცვის გეგმას, მის მიზეზებს და მოთხოვნებს, რის შესრულებასაც ისინი სახელმწიფოს აკისრებენ.

აღსანიშნავია 2018 წლის 6 აპრილით დათარიღებული “განცხადება ტყიბულის ტრაგედიასთან დაკავშირებით” (აროშვილი, 2018) სადაც სარედაქციო ჯგუფი ეხმიანება 2018 წლის 5 აპრილს ქალაქ ტყიბულში მემანქანეების დაღუპვას, ტექსტი ერთგვარი მანიფესტია, სადაც გამოყოფილია პოლიტიკური მოთხოვნებიც.

სარედაქციო ჯგუფი საუბრობს საწარმოს ნაციონალიზაციაზე, როგორც პრობლემის მოგვარების ეფექტურ გზაზე, აგრეთვე მნიშვნელოვანია რომ სარედაქციო ჯგუფი ხაზს უსვამს, რომ ამ ქალაქის და ზოგადად, ინდუსტრიული ქალაქების მიმართ ხელისუფლებას ანტისოციალური პოლიტიკა აქვს.

შეიძლება ითქვას, რომ განსხვავებით იმ აკადემიური თარგმანებისა თუ სტატიებისგან, რომლებიც გამოცემის ინტერნეტ გვერდზე იტყვირთება, ამ განცხადებაში რედაქცია ბევრად უფრო რადიკალურია, ტექსტში ჩანს ელიტების და სახელმწიფოს რადიკალური კრიტიკა, მთავრობა, სარედაქციო ჯგუფის თქმით, “შიშით თრთის რამდენიმე აღვირახსნილი ბიზნესმენის წინაშე” (აროშვილი, 2018).

სარედაქციო ჯგუფი პირობას იძლევა, რომ დაიწყებს კამპანიას „ჰუმანური, მოსახლეობის უმრავლესობისადმი ეთიკური, კეთილდღეობაზე ორიენტირებული და მაღალგანვითარებული საზოგადოების მშენებლობისათვის” (აროშვილი, 2018) და რომ ისინი შეკრებენ ყველა იმ ჯგუფს, რომლებიც ამისთვის იბრძვიან.

თბილისის ფაბიანური საზოგადოება

“თბილისის ფაბიანური საზოგადოების” ინტერნეტ პლატფორმა შედგება 7 სექციისგან: “ჩვენს შესახებ”, “ახალი ამბები”, “სტატიები”, “თარგმანი”, “ბიბლიოთეკა”, “სოციალისტები საქართველოდან” და “მუსიკა”.

სექციაში “ჩვენს შესახებ” მოცემულია მანიფესტი (თბილისის ფაბიანური საზოგადოება, 2014) სადაც საზოგადოება გვაცნობს თავის ხედვებს:

“ჩვენ, ამ მანიფესტის ხელმომწერნი, მივიჩნევთ, რომ პოსტსაბჭოთა ტრანსფორმაციის მიუხედავად საქართველო სოციალურად არამდგრად და ნაკლებად დემოკრატიულ პოლიტიკურ სისტემად ყალიბდება. გადაწყვეტილებათა მიღების პროცესში ვერ ერთვებიან მოქალაქეები. საზოგადოებრივ სიკეთეებს ფლობენ ხელისუფლებასთან დაახლოებული მცირერიცხოვანი ჯგუფები. ამდენად, აშკარაა სოციალური უთანასწორობა. პირადი, ეგოისტური ინტერესებით მოქმედი უმსხვილესი ეკონომიკური აქტორები ვერ ითვალისწინებენ და ხშირად აზარალებენ სხვათა სასიცოცხლოდ მნიშვნელოვან საჭიროებებს – ჩვენ საზოგადოებაში ვერ ხერხდება ჯანმრთელობის, შრომისა და განათლების უფლებების სრულყოფილად უზრუნველყოფა.”

საკუთარ ხედვებს ფაბიანელები აკავშირებენ XIX-XX საუკუნის ქართველ სოციალ-ფედერალისტებთან, სოციალ-დემოკრატებთან, ასევე გერმანული “რევოიონიზმის” და ბრიტანული მემარცხენეცენტრიზმის ტრადიციებთან, განსხვავებით European.ge -საგან, “ფაბიანელებს” დეტალურად აქვთ დაკონკრეტებული საკუთარი პოლიტიკური პოზიცია, - ეს არის ბრიტანული ფაბიანური საზოგადოების ტრადიცია, რომელიც სოციალიზმის ევოლუციური გზით განხორციელებას ქადაგებს, “ფაბიანელები” გამოყოფენ იმ ღირებულებებს, რომელსაც მოძრაობა დაეფუძნება (თბილისის ფაბიანური საზოგადოება, 2014): 1) პოზიტიური თავისუფლება, 2) სოციალური სამართლიანობა, 3) სოციალური საბაზრო ეკონომიკა, 4) ეკოლოგიური თავისუფლება, 5) სამოქალაქო მონაწილეობა და პლურალის-

ტური დემოკრა, 6) გენდერული თანასწორობა, 7) პაციფიზმი და ანტიიმპერიალიზმი 8) პატრიოტიზმი.

„ანარქისტული ბიბლიოთეკის” მსგავსად, “თბილისის ფაზიანური საზოგადოების” რედაქცია დიდ ყურადღებას უთმობს საქართველოში XIX ბოლოს - XX საუკუნის დასაწყისში არსებული დემოკრატიული სოციალიზმის ტრადიციებს, სექციაში “სოციალისტები საქართველოდან²” უამრავი სტატიის პოვნა შეიძლება, სადაც აკადემიურ სტილში აღწერილია გასული საუკუნის პოლიტიკური პროცესი, მოქმედი პირები და მათი ბიოგრაფიები, “ფაზიანური საზოგადოება” განსაკუთრებით ცდილობს საქართველოს დემოკრატიული რესპუბლიკის პოპულარიზაციას (აღსანიშნავია, რომ European.ge, ასევე სოციალ-დემოკრატიული გამოცემა არ გამოირჩევა დემოკრატიული რესპუბლიკის საკითხის წინ წამოწევით).

სექციაში “სოციალისტები საქართველოდან” ბოლო სიახლე ატვირთულია 2018 წლის 11 მარტს, სადაც მოცემულია მეცხრამეტე საუკუნის ბოლოს და მეოცე საუკუნის დასაწყისის ცნობილი ქართველი რევოლუციონერის, სილიბისტრო ჯიბლამის სიტყვის სტენოგრაფიული ანგარიში საქართველოს დამფუძნებელი კრების პირველი სხდომიდან (ჯიბლამე, 2018).

ანტი კომუნისტური შინაარსის არის აგრეთვე 2015 წლის 5 ოქტომბრით დათარიღებული სტატია “ისიდორე vs სტალინი” (თბილისის ფაზიანური საზოგადოება, 2015), სადაც აღწერილია 1921 წლის ზაფხულში, იოსებ სტალინის ვიზიტი თბილისში, როდესაც მას დაუპირისპირდნენ ადგილობრივი სოციალ-დემოკრატები (მენშევიკები), მათ კი ცნობილი რევოლუციონერი, ისიდორე რამიშვილი ხელმძღვანელობდა.

² “სოციალისტები საქართველოდან”

<https://fabiansocialists.wordpress.com/category/%E1%83%A1%E1%83%9D%E1%83%A9%E1%83%98%E1%83%90%E1%83%9A%E1%83%98%E1%83%A2%E1%83%94%E1%83%91%E1%83%98-%E1%83%A1%E1%83%90%E1%83%A5%E1%83%90%E1%83%A0%E1%83%97%E1%83%95%E1%83%94%E1%83%9A%E1%83%9D/>

სექციაში ასევე შეეხვდებით ცნობილი სოციალ-დემოკრატის, პირველი რესპუბლიკის საგარეო საქმეთა მინისტრის, აკაკი ჩხენკელის გამოსვლის ტრანსკრიპტს („ერთობა“, 1920) რომელიც 1920 წლის დეკემბრით თარიღდება, ამ გამოსვლაში ჩხენკელი განიხილავს საქართველოს დემოკრატიული რესპუბლიკის კონსტიტუციას, ჩხენკელი ამ ვრცელ ტექსტში პასუხობს ოპონენტებს (სოციალისტ-რევოლუციონერებს) მიწის რეფორმის შესახებ, ასევე მიმოიხილავს კონსტიტუციას, დემოკრატიის პრინციპებს, განაპირა რეგიონების ავტონომიას და ა.შ.

გარდა წარსულის გახსენებისა, “ფაზიანელი სოციალისტები” გამოირჩევიან სხვა სახის სიახლეების მუდმივი განახლებით, ეს სტატიები მოიცავენ როგორც საერთაშორისო, ასევე ქართული პოლიტიკის ანალიზს, განხილვებს და ა.შ.

“ფაზიანელი სოციალისტები” გამოირჩევიან გერმანიაში მიმდინარე პოლიტიკური პროცესების აქტიური გაშუქებით, 2018 წლის 9 სექტემბერს განთავსებული სტატია „მოძრაობა #AUFSTEHEN -ის სადამფუძნებლო განაცხადი“ (თბილისის ფაზიანური საზოგადოება, 2018) ეძღვნება გერმანიის მემარცხენე ფლანგის გამაერთიანებელი მოძრაობის დაფუძნებას, რომელიც 2018 წლის ზაფხულის ბოლოს მოხდა.

2016 წლის 22 აპრილით თარიღდება ფლორიან გათმანისა და ქრისტოფ ჰენრიქსის სტატიის თარგმანი, რომელიც გერმანიის სოციალ-დემოკრატიული პარტიის კრიზისს ეძღვნება, თარგმანს ჰქვია “სოციალ-დემოკრატების უბადრუკობა, რატომ აგრძელებენ ამხანაგები დაცემას?” (თბილისის ფაზიანური საზოგადოება, 2016).

სტატიაში განხილულია ის კრიზისი, რასაც გერმანული სოციალ-დემოკრატიული პარტია განიცდის, ამ პარტიის წარსული წარმატებები და ცვლილებები იმ კლასებში, ვინც, როგორც წესი, სოციალ-დემოკრატების ამომრჩევლები იყვნენ, სტატიაში ნახსენებია “ალტერნატივა გერმანიისათვის” “AfD” რომელიც ანტი ემიგრაციუ-

ლი სულისკვეთებით გამოირჩევა და რომელმაც მოახერხა სოციალ-დემოკრატების მხარდაჭერთა დიდი რაოდენობის მიმხრობა.

როგორც ვხედავთ, “ფაბიანელი სოციალისტები” მკაფიოდ სოციალ-დემოკრატიული პლატფორმის ინტერნეტ გამოცემა და სა-ზოგადოებაა, “ფაბიანელები” ქართული სოციალ-დემოკრატიის ისტორიას განსაკუთრებით დიდ მნიშვნელობას ანიჭებენ, მათთვის უმნიშვნელოვანესია საქართველოს დემოკრატიული რესპუბლიკის და მისი მმართველი ძალის, სოციალ-დემოკრატიული პარტიის მემკვიდრეობა, გამოცემა აგრეთვე აქტიურად მუშაობს გერმანიის პოლიტიკურ პროცესში მიმდინარე საკითხებზე, “ფაბიანელი სოციალისტების” სტილი ცალსახად აკადემიურია, ისინი ამასთანავე ცდილობენ საკუთარი ხედვების პოპულარიზაციას და გასაგებად ხსნიან თავიანთ ძირითად ღირებულებებს.

“ანარქისტულ ბიბლიოთეკას” და “თბილისის ფაბიანურ საზოგადოებას” შეზღუდული რესურსები აქვთ, მათი ინტერნეტ გამოცემები მარტივი ბლოგების სახით არის წარმოდგენილი და შეგვიძლია ვთქვათ, რომ მათი საიტები (A-library.Org და Fabiansocialists.wordpress.com) არ წარმოადგენენ ხშირად განახლებად დომეინს, სარედაქციო ჯგუფებიც ბევრად უფრო მცირეა, ვიდრე ეს European.ge-ზე გვხვდება (ორმოცდაათამდე ავტორი), European.ge ცდილობს უფრო თანამედროვე, სამეცნიერო ტექსტების თარგმნას (თუმცა ბუნებრივია ეს თარგმანები მკვეთრად იდეოლოგიური ხაზითა შერჩეული), თუმცა ეს გამოცემა არ გამოირჩევა საქართველოს მემარცხენე გამოცდილებებზე აქცენტით, “ანარქისტული ბიბლიოთეკა” და “ფაბიანელები” კი ცდილობენ ქართული ანარქიზმის და ქართული სოციალ-დემოკრატიის (მენშევიკური ფრთის) პოპულარიზაციას.

European.ge დიდ ყურადღებას უთმობს ეკონომიკის სფეროს, რომელიც ცალკე სექციის სახით “ეკონომიკა და პოლიტეკონომია” აქვს გამოყოფილი, ანალოგიური შინაარსობრივი სექციის პოვნა შესაძლებელია “ანარქისტული ბიბლიოთეკის” საიტზეც, თუმცა აქ ამ სექციას “კაპიტალიზმი” ეწოდება, სადაც თანამედროვე კვლევებზე მეტად, ჭარბობს კლასიკოსი ავტორების ტექსტები, როგორებიცაა ალექსანდრ ბერკმანი, პიოტრ კროპოტკინი და ემა გოლდმანი, “ფაბიანელი სოციალისტების” გვერდზე იდენტური შინაარსის სექცია არ იძებნება, აქ სტატიები ერთ სექციაშია თავმოყრილი.

European.ge -ზე ჯამში 800 მდე სტატია არის განთავსებული (სხვადასხვა თარგმანი, მანიფესტი თუ კვლევა) რაც ბევრად აღემატება “ანარქისტული ბიბლიოთეკისა” და “ფაბიანელი სოციალისტების” ინტერნეტ გამოცემებზე არსებულ სტატიებს

პლატფორმა	საიტი	სიახლეთა რაოდენობა
-----------	-------	--------------------

European.ge	European.ge	771
ანარქისტული ბიბლიოთეკა	A-library.org	129
თბილისის ფაბიანური საზოგადოება	Fabiansocialists.wordpress.com	127

შეგვიძლია ვთქვათ, რომ სამივე გამოცემა ცდილობს საკუთარი იდეების პოპულარიზაციას, “ანარქისტული ბიბლიოთეკა” - ანარქიზმის, “ფაბიანელები” და “European.ge” კი სოციალ-დემოკრატიის, თუმცა ამ უკანასკნელთა აქცენტები ერთმანეთისგან განსხვავებულია, შეიძლება ითქვას, რომ ქართული მემარცხენე ინტერნეტ-გამოცემები იცავენ აკადემიურ სტილს (ეს გამომდინარეობს იქედანაც, რომ სარედაქციო ჯგუფები შედგება სტუდენტებისგან, ახალგაზრდა თუ გამოცდილი მკვლევრებისგან, ასევე უნივერსიტეტის პროფესორებისგან).

ბი რის წინაშეც საქართველოს ინდუსტრიული ქალაქები დგანან, ასევე სოციალური უთანასწორობის, განათლების, თანამედროვე საერთაშორისო მემარცხენე მოძრაობების შესახებ არსებული საკითხები, სამივე საიტი აკადემიური ნეიტრალობით არ გამოირჩევა და მკვეთრად იდეოლოგიური პოზიცია ახასიათებთ.

წყაროები

1. European.ge. (n.d.). *დასაქმება და შრომა*. Retrieved 2018 from European.ge: <http://european.ge/category/politikuri-mimatrulebebi/dasakmeba-shroma/>
2. European.ge. (2018 წლის 2 ივნისი). *"თბილისის მეტროს მემანქანეები მოქალაქეებს მიმართავენ"*. Retrieved 2018 from European.ge: <http://european.ge/tbilisis-metros-memanqaneebi-gaficvas-aanonseben/>
3. European.ge. (2018 წლის 17 იანვარი). *"სიღარიბე და საშემოსავლო უთანასწორობა მთავარი ეროვნული საკითხებია"*. Retrieved 2018 from European.ge: <http://european.ge/sigaribe-dasashemosavlo-utanascoroba-mtavari-erovnuli-sakitxebia/>
4. ანარქისტული ბიბლიოთეკა. (2014, ნოემბერი 14). *"კავკასიის ანარქისტული მოძრაობა XX საუკუნის დასაწყისში"*. Retrieved from ანარქისტული ბიბლიოთეკა: http://a-library.org/kavkasiianarqistuli-modzraoba_xx-saukunis-dasawyisshi/#sthash.vNnWtWm3.BNcOrYrj.dpbs
5. ანარქისტული ბიბლიოთეკა. (2012 წლის 7 იანვარი). *ანარქო-კომუნიზმი*. Retrieved 2018 from A-library.org: <http://a-library.org/anarqo-komunizmi/#sthash.5f85ff5.nB4sj5sx.dpbs>
6. ანარქისტული ბიბლიოთეკა. (2014 წლის 21 ივლისი). *"არასამთავრობო ორგანიზაცია, კაპიტალიზმის ტროას ცხენი"*. Retrieved 2018 from ანარქისტული ბიბლიოთეკა: <http://a-library.org/ngo-seqtori-kapitalizmis-troas-cxeni/#more-776>
7. ანარქისტული ბიბლიოთეკა. (2012 წლის 2 იანვარი). *კონსენსუსი*. Retrieved 2018 from ანარქისტული ბიბლიოთეკა: <http://a-library.org/konsensusi/#sthash.uaklXKnk.UbAqCln1.dpbs>
8. ანარქისტული ბიბლიოთეკა. (2012 წლის 2 იანვარი). *კონსენსუსი*. From A-library.org: <http://a-library.org/konsensusi/#sthash.eajpq27f.g6SCVOZ2.dpbs>
9. ანარქისტული ბიბლიოთეკა. (2012 წლის 7 იანვარი). *რა არის ანარქია?*. From A-library.org: <http://a-library.org/ra-aris-anarqia/#sthash.qseop6GW.FFiLNknP.dpbs>

10. აროშვილი, ა. (2018 წლის 6 აპრილი). "განცხადება ტყიბულის ტრაგედიასთან დაკავშირებით". European.ge. Retrieved 2018 from European.ge: <http://european.ge/tyibuli-fundamenturi-gardaqmni-s-winapiroba/>
11. ბუაძე, თ. (2015 წლის 24 ივლისი). "გიორგი (კომანდო) გოგელია". Retrieved 2018 from ანარქისტული ბიბლიოთეკა: <http://a-library.org/tamar-buadze-giorgi-gogelia/#sthash.ucwlKo7K.dpbs>
12. გოლდმანი, ე. (2012 წლის 17 თებერვალი). "ათეიზმის ფილოსოფია". Retrieved 2018 from ანარქისტული ბიბლიოთეკა: <http://a-library.org/ema-goldmani-ateizmis-filosofia/#sthash.Kmx21qfz.dpbs>
13. გოლდმანი, ე. (2012 წლის 21 ივლისი). "ანარქია". Retrieved 2018 from ანარქისტული ბიბლიოთეკა.
14. გოლდმანი, ე. (2012 წლის 26 მარტი). "პატრიოტიზმი-საფრთხე თავისუფლებსათვის". (ანარქისტული ბიბლიოთეკა, Trans.) Retrieved 2018 from ანარქისტული ბიბლიოთეკა: <http://a-library.org/ema-goldmani-patriotizmi-safrtxis-tavisuflebisvis/#sthash.ltB7SEFi.dpbs>
15. გოლდმანი, ე. (2012 წლის 21 ივლისი). "ქორწინება და სიყვარული". Retrieved 2018 from ანარქისტული ბიბლიოთეკა.
16. გუმბერიძე, ე. (2018 წლის 18 მარტი). "ერთი დღე ჭიათურაში". Retrieved 2018 from European.ge: <http://european.ge/erti-dge-chiaturashi/>
17. გუმბერიძე, ე. (2018 წლის 20 ნოემბერი). "რა განაპირობებს პოლიტიკურ მონაწილეობას?". Retrieved 2018 from European.ge: <http://european.ge/ra-ganapirobebs-politikur-monacileobas/>
18. "ერთობა". (1920). თბილისის ფაბიანური საზოგადოება.
19. ესპოსიტო, მ. (2018, ნოემბერი 9). "შემოსავლების უთანასწორობა და ახალგაზრდების უმუშევრობა". Retrieved 2018, from European.ge: <http://european.ge/shemosavlebis-utanascoroba-daxalgazrdebis-umushevroba/>
20. თბილისის ფაბიანური საზოგადოება. (2014 წლის 27 მარტი). "თბილისის ფაბიანური საზოგადოების მანიფესტი". Retrieved

- 2018 from თბილისის ფაბიანური საზოგადოება:
<https://fabiansocialists.wordpress.com/category/%E1%83%9B%E1%83%90%E1%83%9C%E1%83%98%E1%83%A4%E1%83%94%E1%83%A1%E1%83%A2%E1%83%98/>
21. თბილისის ფაბიანური საზოგადოება. (2015 წლის 5 ოქტომბერი). *"ისიდორე vs სტალინი"*. From თბილისის ფაბიანური საზოგადოება":
<https://fabiansocialists.wordpress.com/2015/10/05/%E1%83%98%E1%83%A1%E1%83%98%E1%83%93%E1%83%9D%E1%83%A0%E1%83%94-vs-%E1%83%A1%E1%83%A2%E1%83%90%E1%83%9A%E1%83%98%E1%83%9C%E1%83%98/>
22. თბილისის ფაბიანური საზოგადოება. (2018 წლის 9 სექტემბერი). *"ორგანიზაცია #Aufstehen-ის სადამფუძნებლო განაცხადი"*. Retrieved 2018 from თბილისის ფაბიანური საზოგადოება:
<https://fabiansocialists.wordpress.com/2018/09/09/%E1%83%9B%E1%83%9D%E1%83%AB%E1%83%A0%E1%83%90%E1%83%9D%E1%83%91%E1%83%90-aufstehen-%E1%83%98%E1%83%A1-%E1%83%A1%E1%83%90%E1%83%93%E1%83%90%E1%83%9B%E1%83%A4%E1%83%A3%E1%83%AB%E1%83%9C%E1%83%94/>
23. თბილისის ფაბიანური საზოგადოება. (2016 წლის 22 აპრილი). *"სოციალ-დემოკრატების უზადრუკობა: რატომ აგრძელებენ ამბანაგები დაცემას?"*. Retrieved 2018 from თბილისის ფაბიანური საზოგადოება:
<https://fabiansocialists.wordpress.com/2016/04/22/%E1%83%A1%E1%83%9D%E1%83%AA%E1%83%98%E1%83%90%E1%83%9A-%E1%83%93%E1%83%94%E1%83%9B%E1%83%9D%E1%83%99%E1%83%A0%E1%83%90%E1%83%A2%E1%83%94%E1%83%91%E1%83%98%E1%83%A1-%E1%83%A3%E1%83%91%E1%83%90%E1%83%93/>
24. მალატესტა, ე. (2012 წლის 14 მარტი). *"არც დიქტატორები, არც დემოკრატები"*. Retrieved 2018 from ანარქისტული ბიბლიოთეკა:
<http://a-library.org/errico-malatesta-diqtatorebi-demokratebi/#sthash.gictStRL.dpbs>

25. მახნო, ნ. (2015 წლის 10 მაისი). "პირველი მაისი - ახალი ერის სიმბოლო". From ანარქისტული ბიბლიოთეკა: <http://a-library.org/nestor-maxno-pirveli-maisi/#sthash.dXNMxydT.usTKmIXD.dpbs>
26. მური, ჯ. (n.d.). *მაქსიმალისტური ანარქიზმი და ანარქისტული მაქსიმალიზმი*. Retrieved 2018 წლის დეკემბერი from ანარქისტული ბიბლიოთეკა: <http://a-library.org/jon-muri-maqsimalisturi-anarqizmi/#sthash.gEACFrhj.dpbs>
27. პეტრასი, ჯ. (2017 წლის 28 ნოემბერი). "არასამთავრობოები იმპერიალიზმის სამსახურში". Retrieved 2018 from European.ge: <http://european.ge/arasamtavroboebi-imperializmis-samsaxurshi/>
28. რა არის ანარქია. (2012 წლის 7 იანვარი). Retrieved 2018 from ანარქისტული ბიბლიოთეკა: <http://a-library.org/ra-aris-anarqia/#sthash.TN4wAtld.dpbs>
29. ხუნდაძე, ტ. (2018 წლის 5 იანვარი). "უმუშევრობის ნეოლიბერალური წყევლა". Retrieved 2018 from European.ge: <http://european.ge/umushevrobis-neoliberaluri-tskevla/>
30. ჯიბლაძე, ს. (2018 წლის 11 მარტი). "საჭიროა მეფის თვითმპყრობელობის ნანგრევებზე ხალხის თვითმპყრობელობის გამგერება". Retrieved 2018 from თბილისის ფაბიანური საზოგადოება: <https://fabiansocialists.wordpress.com/category/%E1%83%A1%E1%83%9D%E1%83%AA%E1%83%98%E1%83%90%E1%83%9A%E1%83%98%E1%83%A1%E1%83%A2%E1%83%94%E1%83%91%E1%83%98-%E1%83%A1%E1%83%90%E1%83%A5%E1%83%90%E1%83%A0%E1%83%97%E1%83%95%E1%83%94%E1%83%9A%E1%83%9D/>

Giorgi Beridze

The Content Analysis of the Georgian Left-Wing Internet Publications

Abstract

The study examines three Georgian leftist websites: the Anarchist Library, European.ge, and the Tbilisi Fabian Society. The Anarchist Library represents the interests of Georgian anarchists, while the other two have more social-democratic orientation. The research is relevant, because in recent years, the leftist groups from these internet platforms were the main participants of the frequent social protests. We can consider these websites as the tool for organization and the dissemination of ideas, and communication with broader society. The paper will conduct the content analysis of the publications displayed on these platforms, and will attempt categorize them and find the common context among them.